

## DIKA OMEROVIĆ - TUŽILAC TUŽILAŠTVA BiH

Dika Omerović rođena je 1953. godine u Rogatici, Bosna i Hercegovina. Diplomirala je na Pravnom fakultetu Univerziteta u Sarajevu 1976. godine.

U opštinskim sudovima u Rogatici i Višegradu obavila je pripravnički staž, a nakon položenog pravosudnog ispita 1977. godine u Sarajevu, iste godine imenovana je za sudiju Osnovnog suda u Višegradu, koju dužnost je obavljala do 1986. godine.

U periodu od 1986. godine obavljala je funkciju sekretara Skupštine opštine Višegrad, a u maju 1990. godine imenovana je za sudiju Osnovnog suda II u Sarajevu, gdje je radila do maja 1992. godine. Prije nego što se posvetila advokaturi 1996. godine, bila je zaposlena u pravnom odjelu privatnog privrednog društva u Sarajevu.

Od oktobra 1996. godine u Sarajevu radila je kao advokat, pa sve do 2001. godine, kada je imenovana za sudiju u Opštinskom sudu II u Sarajevu.

Za kantonalnog tužioca u Kantonalnom tužilaštvu Kantona Sarajevo imenovana je 15. decembra 2003. godine, a za tužioca Tužilaštva BiH imenovana je odlukom Visokog sudskog i tužilačkog vijeća BiH u martu 2010. godine.

Bila je član Udruženja sudija u Federaciji BiH, a od 2005. godine član je Udruženja tužilaca BiH. Za vrijeme profesionalne karijere, kao sudija i tužilac, sudjelovala je na mnogobrojnim seminarima u svrhu stručnog usavršavanja iz oblasti krivičnog prava u zemlji i inostranstvu. Od novembra 2010. godine edukator je CEST-a FBiH.